

Edizione diplomatica

 Image not found https://letteraturaeuropea.let.uniroma1.it/?q=sites/default/files/styles/330px_public/8%26%285%29_2.png&tok=760F87NW	Bernard. BEn man perdu lai en ues uentadorn. Tuich mei amic pois mado(m)pna nomama. Et es ben dreich qe iamas la no(n) torn. Qades esta uas mi saluaza (et) grama. Desper qem fa senblan irat (et) morn. Qar en samor deleich em soiorn. Ni de ren al nos rancura nis clama. Aissi col peis qe seslaissel cardon. Et no sap mot tro qe ses pres en lama. Mes laissei eu ues trop amar un iorn. Qanc no saop mot tro fui en mi la flama. Qe mart plus fort no feira fuox de forn. Et ges per zo nom puos partir un iorn.
---	--

	Aissim ten pres samor qe maliama.
	Nom meraueill se samor me ten pres. Qe genser cors non cuit qel mond se mire. Bel es (et) gen (et) blancs (et) clar (et) fres. Et toz (et) tals com eu uoill ni desire. Non pos mal dir de lei qe non ies. Qel nagra diz de ioi seu li saubes. Mas no li sai per cho mo lais del dire.
	Toz te(m)ps uolrai sa honor (et) ses bes. Eill serai hom (et) amicx (et) seruire. Et lamerai beilli plaz (et) beill pes. Com no pot cor destreigner ses aucire. No sai do(m)pna uogues au no uolgues. Sim uolia camar no la pogues. Mas tota res pot lom en mal escrire.
	A las autras soi omais escaiguz. La cals se uol me pot ues si atraire. Per tal conuen qe non sia uenduz. Lonors nil bes qe man encor a faire. Qenoios es preiars pos es perduz. Per mios dic qe mal men es uenguz. Qenianat ma la bella de mal aire.
	En proenza tramet manz esaluz Et mais de bes com no lor sap retraire. Et faz esforz miracles (et) uertuz. Qar eu lor mant de cho dont no(n) ai gaire. Qeu non ai ioi mais tan com men aduz. Mos bels uezers en faitura mos druz. En aluergnaz lo segner de bel caire.

- letto 478 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2115>